

Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

De Personis Ecclesiasticis, Earumque statu, Dignitate, munere, &
Immunitate

Strein, Johann

Coloniæ Agrippinæ, 1658

§. 3. De potestate Temporali.

[urn:nbn:de:hbz:466:1-61816](#)

discende, quām examinanda, & ubi fortan aliquid displicerit, emendanda constitui. Similia habet Theodoreetus ep. ad Leonem Papam. Sozamenus l.6. hist. c.22. & alii paſum.

Secundo Nihil in Ecclesia magnum agi, aut decerni posse, Summo Pontifice iaceo, aut invito, ita ut nisi accedat ipius consensus, irritum & inane sit, quicquid definitum fuerit. Concil. Chalced. initio, & Aft. 16. Anastasius Ierosol. in ep. ad Felicem. 8. Aug. cum aliis episcopis ep. 90. ad Innocentium Papam. 8. Ambr. ep. 78. ad Theophilum. Prosper in Chron. Stapleton. de magnit. Eccl. Rom. l. c. 9. Beccanus in Manuali. c. 5. num. 117. Mussia in Conc. de cath. Petri. Quibus accedit Ratio. Pontifex non minus habet curam, & gubernationem Ecclesie, quām totius regni rexit. At nemini in regno statuere quicquam licet cum obligatione, absque consensu regis. Ergo nec in Ecclesia absque consensu Pontificis, licet ulli statuere, aut prescribere aliquid, quod totam ecclesiam concernat, & obliget. Dico, totam ecclesiam, ut episcopis salva & intacta maneat auctoritas pro suis subditis ea disponendi, quae ipsorum saluti & incomitati pro sint. Conc. Tr. Seſſ. 25. c. 6. de reſor. Item Remiss init. & ci. fin. p. 6. o. 12. II. l. 4. c. 20. Piaſecinus Par. 2. c. 14. p. 258. Tufchus Co. 41. Beccan. Tr. de Ecclesia Q. 2. V. quid dix. tt. 7. §. 7.

III. Sequitur præterea quod episcopi aliquique de clero, cum se gravari, aut premi iniqüè putant, ad Sedem Apostolicam confugere queant. Pater ex Concil. Sardeſensi, ubi Hosius Episcopus. Si alius Episcopus iudicatus fuerit in aliqua causa, & putat se bonam causam habere,

ut iterum iudicium renovetur, Sancti Petri Apostoli memoriam honoremus, ut scribatur Romano Pontifici. Synodus respondit. Placet. Et c. s. Cūm aliquis Episcopus depositus fuerit, & proclamaverit agendum sibi negotium in Urbe Româ alter Episcopus in eadem cathedra (post appellationem eius, qui videatur esse depositus) non ordinetur, nisi causa fuerit in iudicio Episcopi Romani determinata. Hæc appellandi consuetudo non nisi ex traditione Apostolica manavit, ut colligitur ex epistola Theodori ad Rhenanum presbyterum, ubi Deprecor te, ait, ut sanctissimo Episcopo (Leoni Papa) suadeas, ut Apostolica auctoritate utatur, inbeatque ad vestrum Concilium adire. Idem in epist. ad Leonem Papam. Suffragium Sedis Apostolicæ expecto, & supplex oro, ut ea me tribunal vestrum iustum, ac rectum defendat, ac protegat. V. et. de Appell. Silv. & Zerola V. Appellatio Silv. eod. nū. 9. & 12. Armilla V. Papa n. 6.

§. III.

De potestate temporali Summi Pontificis.

I. **Q**uæ hic se dicenda offerunt, à maximis Scriptoribus, tam accuratè & copiosè explicata sunt, ut amplius quid desiderare nemo queat. Missa proinde faciemus, huius ævi delicate morositi indulgentes. Mirari nihilominus, & prædicare iuvat divinæ providentiae iuvavem efficacitatē, qua factum est, ut post aliquot sæculorum horribiles, & sanguinarias persecutions, Imperium adepti Catholicæ principes Ecclesiæ magnis opibus locupley-

locupletarent, Christum ejusque Vicarium Pontificem prae filiis, & nepotibus haberedem constituerent. Irriguum Ecclesia superius bonorum supernaturium habebat fidelium cohors: irriguum inferius terrenarum opum Regum & Dynastarum adjectit pia munificentia, ne hostibus suis vel ludibrio esset tenuitas, vel in praedam ac direptionem cederet insurmitas. Hoc igitur tempore praeter protestatem Ecclesiasticam habet Summus Pontifex, ut Princeps secularis dominium temporale in multis Provinciis, & civitatibus. De qua re Ludov. Catofred. in Archontolog*ia* sua l*1*, init. Dominiūm Pontificis, seu status Ecclesie, ut de agro Beneventano, & Comitatu Aveniones; taceam, nostro ævo amplior est, quam unquam fuerit, postquam principatus Ferrarensis, Comachia, & Flaminia accessit. Complectitur enim in longitudine circiter 300. millia passuum, in latitudine ultra millia centum. Regiones continet duas, Ducatum Ferrarensem, Agrum Bononiensem, Sabium, Perusium, Marcam Anconitam, Umbriam cum parte Hetruriæ, Patrimonium S. Petri, Flaminium, & Latium cum ipsa Urbe Roma, quam Constantinus Imperator donavit. In hoc terrarum tractu numerantur Episcopatus circiter 50. & ultra quindecies centum millia hominum. Urbium prima est Roma, secunda ponitur Bononia, i*n* tertias, & quartis numeratur Ferraria, Perusia, Asculum, Ancona, Forum Livii, Ravenna, Firmum, Viterbiuum. Complectitur insuper hec Italie pars Ducatum Spoletanum, & partem longè

maximam Exarchatus Ravennensis. Præterea agrum Anconitanum Marchionatus titulo insignem. Quicquid interest terrarum inter Romam, & Regnum Neapolitanum appellatur hodie. Campania Romana, sive ager Romanus. Altera pars terra verius Florentia nomiatur patri monium S. Petri. Anconitanus Marchionatus est versus apuliam, Campaniamque Flaminia in Ducatum Ferrarensem vergit, tangitque limites agri Bononiensis. Umbria velut umbilicus inter utramque Provinciam obtinet. Comprehenditur hoc spacio praeter Urbes supra nominatas Arminium, Cæsena, Fidentia, Imola, Macerata, Camerium, Spoletum, Nuceria, Ræate, Interamna, Narnia, Ovietum, Affissum, Folinium, Tudertum cum aliis circiter 30. Præter hec juris Pontificii sunt Comitatus Avenion, in Gallia, & Urbs cum agro Beneventano in Regno Neapolitano. Insuper dominii directi jus velut patroni Pontifices sibi vendicant in Regnum Neapolitanum & Siculum, Ducatum Urbinate, Parmensem, & Messenianum. Ex his in ærarium quotannis inferri putatur 15. aut 16. vasa, seu quindecies centum aureorum millia. Si computare velis fructus legationum, & gubernationum in diversis oppidis: ea item quæ pro Bullis, & beneficiis Ecclesiasticis, pensionibus & annatis solvuntur magnum priori summe augmentum facies. De robore militari, quod in viris positum, nihil dico, quandoquidem ex historiis liquet, magna olim bella gessisse Pontifices, ut merito Reges, & Principes illum hac quoque ex causa cupiant amicum

amicum habere. Certè majores nostri summo perè laborarunt placere Pontificibus, ut si boni essent, eorum favore, & gratia fuerentur, si verò mali, ne nocerent, cùm præsertim non desint unquam malè feriati homines, qui eos in transversum agere moliantur. Ita Gottfriedus cum Ioanne Botero in *Cosmograph.* l. 4. pag. 161. Anton. *Peregrin. de iuribus Fisci* l. 1. pag. 21.

II. Non ignoro hanc bonorum temporalium abundantiam, & regales divitias Hæreticis nostri temporis Lutheri, & Calvini a seculis bilem cire, & maleficentiam acuere, ut nullum in criminando exitum inveniant. V. Coronid. omnium jubilar. ad Contzen. c. 54. Hoccine est Christi pauperis Vicarium agere, crucem illius tollere, non habere, ubi caput reclinet? Servus servorum verbis dici, viribus anteferri gaudet. Sed meminisse, velim, Catones istos parum catos. Si Christus Ecclesiæ suæ irriguum lupe-rius, & inferius dedit, si Reges & Princi- pes in illam benigni, & munifici sunt, ut impleatur scriptura. Isai 49. Erunt Reges nutriti rui. obturandus est oculus nequam, ne scandalizetur, & intueri se falso putet iniquitatem in domo justi. Odium & invidia, non opum copia vitiosa est. V. Roderic. II. q. 63. art. 8. Beccan. de Pon- tif. Vet. testam. c. 9. Gretser. in *Mysta Sal- mur.* pag. 75.

§. IV.

Satis fit Dubiis quibusdam.

DUBI. An Summus Pontifex, bono-
rum, beneficiorum, & iurium Ec-

clesiæ verum, ac reale dominium habeat? Affirmant aliqui, inter quos Franc. Leo in Thesian. suo par. 2. c. 20. ubi dominium omnium beneficiorum vocat. ex c. de præben. in 6. *Glossfin.* in c. felicis de pœn. eo. li. Clem. I. in fi. Ut lice pendente Bald. in l. *Rescripta* n. 8. C. de prec. Imp. & Gomez in proœm. Reg. Canc. V. considerata Barb. in c. suscepti de præben. in 6. Boer. Decis. I. n. 66. Alii bonorum Ecclesiasticorum dominium privatis Ecclesiis tribuunt v.g. bo- norum Ecclesiasticorum Coloniae, Ec- clesiæ ibid. existenti, & sic de aliis, ita, ut communitas ipsa censeatur dominium habere, Episcopi verò, & Prælati admi- nistrationem; eo modo, quo in Ordini- bus, & Monasteriis Religiosor. contin- git Adrian. in 4. de refut. Cajet. 22a q. 53. a. 8. Turrecr. I. 2. c. 13. Propos. 6. Less. c. 4. D. 7. Regin. l. 30. tr. 3. c. 6. Sunt alii, qui conside- rantes, quām exile & inutile sit domi- nium ejusmodi, cùm neque Pontifex, neque alii Prælati uti possint bonis Ec- clesiasticis pro libitu, solum Christum ajunt redi tuum, & bonorum Eccle- siæ dominum esse. Ita Major. in 4. D. 24. q. 18. Nar. in *Apologiâ de reddit.* Ecc. q. I. Monito 24. & sequentibus *Glossin.* c. Salvator I. q. 3 & c. Cùm verior 23 q. 8. Innoc. in c. cùm super eo de causa poss. & propr. Abb. in c. cùm effes. de testam. ita Repe. n. 29. quibus servit S. Scriptura I. ad Cor. ubi Apostoli, & suc- cessores illorum dispensatores vocantur. Idem ex effectibus dominii colligitur. Nam qui dominus proprietatis est, pro arbitrio suo, & propria auctoritate dis- ponere potest de bonis suis, donando, vendendo, alienando, destruendo, &c. ita ut nemini injuriam faciat. Horum ni- hil in bonis Ecclesiasticis invenitur. Di- cere

